

ՎՐԵԺ ՎԱՐԴԱՆՅԱՆ

Պատմական գիտությունների թեկնածու

**ՆԵՐՍԵՍ ՄԵԾԸ ԵՎ ԱՇՏԻՇԱՏԻ ԺՈՂՈՒԼԻ
ՆՇԱՆԱԿՈՒԹՅՈՒՆԸ ՀԱՅԱՍՏԱՆԻ ՆԵՐՔԱՂԱՔԱԿԱՆ
ԿՅԱՆՔՈՒՄ**

Հայաստանում քրիստոնեությունը պետականորեն ընդունելուց հետո, Հայոց Առաքելական Եկեղեցին էապես նպաստում էր Հայոց Արշակունի թագավորության ներքին և արտաքին ֆաղափականությանը, ամրապնդում նրա բարոյաիրավական հիմքերը: Այս առումով հատկապես բացառիկ դեր էր վերապահված Ներսես Մեծ Կաթողիկոսին (353-373), որը սատար կանգնեց Արշակ Բ-ի (344-368) արտաքին-ֆաղափական ձեռնարկումներին: Արշակ Բ-ի օրոք, երկրի ներքին և արտաքին հարաբերությունները քաղաքական առումով, մեծապես զգացվում էր Հայաստանի հեղինակավոր հոգևոր առաջնորդի կարիքը: Վերջինս պետք է ի գործ լիներ համախմբել հայ նախարարներին, ներգործեր նրանց ֆաղափական վարժապետի, կողմնորոշման վրա, ամրապնդեր Արշակունյաց թագավորության հիմքերը, ապահովեր նրա միասնությունը:

Նրիտասարդ Ներսեսը՝ Լուսավորչի տոհմի մեծ գավակը, որի երակներում հասում էր նաև հայ Արշակունիների արյունը¹, Կեսարիայում հունական կրթություն ստանալով, խորապես յուրացրեց Հռոմեական կայսրությունում ձևավորված քրիստոնեաբանության հիմունքները, անշուշտ նաև պետականության սկզբունքները: Դառնալով Հայոց արքունի գլխավանդակը, Ներսեսը մեր շուրջ ուղիներ արկեց այդ բնագավառին և դարձավ «հաւատարիմ ի վերայ ամենայն կարգաց կենաց թագաւորութեանն»²: Բայց դա դեռ նրա բեղմնավոր պետական-ֆաղափական գործունեության նախաբանն էր: Ներսեսին ավելի կարևոր և մեր ժողովրդի համար հույժ բախտորոշ դեր էր վերապահված: Հայոց Արշակունիների ֆաղափական շահերը պահանջում էին վերստին Հայոց Կաթողիկոսի գահին բազմեցնել Գրիգոր Լուսավորչի տոհմի շառավիղներին: Այդ նպատակին էր ուղղված Արշակ Բ-ի արևունիքում գումարված ժողովը, որտեղ հայ նախարարները համակամ ջրոշում կայացրեցին Ներսեսին ընտրել հայոց հովվապետ, որպեսզի «նորոգեսցին պայծառ վարք աշխարհիս Հայոց»,- գրում է Փավստոս Բուզանդը³: Անհրաժեշտ էր ժողովրդին հոգևոր լիցք ներարկել, քանզի առանց հոգևորի, ինչպես մարմինն առանց հոգու, նա չէր կարող հարատևել: Արշակ Բ-ի հռոմեաբան կողմնորոշումը ևս որոշակի դեր խաղաց Ներսեսի ընտրության գործում: Պատահական չէր, որ Ներսեսը ձեռնադրվելու համար Կեսարիա

¹ Ներսեսը Արշակ Բ-ի քրոջ՝ Բամբիշի որդին էր (Փավստոս Բուզանդ, Պատմություն Հայոց, Ա. Պետերբուրգ, 1883, III, ԺԵ, էջ 38, ԺԹ, էջ 42):

² Փավստոս Բուզանդ, IV, Գ, էջ 58:

³ Նույն տեղում, IV, Գ, էջ 58:

ուղևորվեց թագավորի հատուկ հանձնարարական-երովարտակով և ավագ նախարարների ուղեկցությամբ:

354 թ. Աշտիշատում Ներսիսի գումարած հայոց առաջին եկեղեցածուկը հիրավի դարակազմիկ ճշանկություն ունեցավ Հայաստանի հոգևոր, ներառաֆական կյանքում: Աշտիշատում հայոց առաջին եկեղեցածուկը գտնվում էր Ներսիսյան ունեռ ծանրակշիռ դրդապատճառներ: Այդ ավանդ հղել էր ներստոսական Հայաստանի ազգեցիկ կենտրոններէն մէկը և հավակնում էր իր այդ վերը հնարավորին չափով պահպանել նաև քրիստոնեւոյան տարածումից ետո: Ներսեսը գտավ, որ ինն կրոնն արմատախիլ անելու համար անհրաժեշտ է նրա դուր պայշարը կազմակերպել նրա հինավուրց և ազգեցիկ կենտրոնում՝ ժողովրդի հիշողութունից ջնջելով հեթանոսութան հետքերը: Ժողովի որոշումներն էապես բարեւալեցին երկրի բարոյա-ժողովրդական մթնոլորտը, ամրապնդեցին Հայոց պետականութան հիմքերը, որի գործող ազգայնները տվյալ պահին կարող էին դառնալ քրիստոնեական հիմունքներով երկրի ներքին կյանքի բարեկարգումը, քնակչութանը պետութան և եկեղեցու շուրջ համախմբելը: Աշտիշատի ժողովն առաջին հերթին զբաղվեց բարեգործական խնդիրներով՝ համարձակ կերպով արմատավորելով քրիստոնեական մարդասիրական սկզբունքները: Այն նպատակաւորված էր քնակչութան թե՛ հոգևոր և թե՛ ֆիզիկական կատարելագործմանը, ներդաշնակ կենսաձևի հաստատմանը: Հասկանալի է, որ ժողովն առաջին հերթին զբաղվեց առողջապահական և բարեգործական խնդիրներով: Որոշվեց բորտոների և անբուժելի այլ հիվանդների, հաշմանդամների համար հիմնել հատուկ հիվանդանոցներ, բոլոր քնակավայրերում բացել աղփատանոցներ և այլն: Նման միջոցառումների կենսագործման համար անհրաժեշտ էր պետական հովանավորություն:

Աշտիշատի ժողովը հատուկ ուշադրություն դարձրեց Հայոց աշխարհի բարեքը նորոգելու, բարեշրջելու խնդիրներին, որոնց կենսագործման համար անհրաժեշտ էր բարձրացնել եկեղեցու հեղինակությունը: Այդ էլն պահանջում նաև պետության ներքին և արտաին-ժողովրդական շահերը: Ուստի թագավորը և Հայոց ավագանին սատար կանգնեցին նաև Ներսես Մեծի եկեղեցական նորամուծություններին, որոնք լծողվեցին ժողովրդի կենսակերպը բարեկարգելու միջոցառումների հետ: Ինչպես հավաստում է Փավստոս Բուզանդը, Ներսես Մեծը վերաշինեց Հայաստանի ավերված եկեղեցիները, ասեմանեց եկեղեցու ձյակալագը և առաքելական բարոգչութամբ ջանում էր բարեփոխել ժողովրդի բարեքը⁴: Նմանորինակ բարեշրջումը հնարավոր էր միայն հայ հոգևոր և աշխարհիկ վերնախավի համադրված գործունեության ակալության ղեկավարում: Անշուշտ դա պայմանավորեց Աշտիշատի եկեղեցածուկին աշխարհիկ տերերի և եկեղեցականների համատեղ մասնակցությունը: Մովսես Խորենացին գրում է, որ այդ ժողովում հիմք դրվեց Հայաստանի եկեղեցածուկներին աշխարհականների և եկեղեցականների համատեղ մասնակցություն⁵, որը սովորական դարձավ նաև հետագա բոլոր եկեղեցածուկներում՝ ճշանավորելով Հայոց եկեղեցու հույժ կարևոր դերը երկրի ներառաֆական կյանքում:

Աշտիշատի ժողովին Հայոց թագավորի և նախարարների լայն մասնակցությունը պայմանավորված էր Հայաստանի հաւաքական կյանքը բարեշրջելու

⁴ Նույն տեղում, IV, Գ, էջ 62-63:

⁵ Մովսես Խորենացի, Պատմութիւն Հայոց, աշխ. Մ. Արեղեան և Ս. Յարութիւնեան, Տփղիս, 1913, 3-րդ մաս, գլուխ Ի, էջ 279:

գործում նրանց խորը շահագրգռվածությամբ, քանի որ ժողովում արծարծված խնդիրները շոշափում էին նաև աշխարհիկ տերերի կենսական շահերը: Ժողովը օրինադրեց Հայաստանի ներքին կյանքի սովորույթները, կարգ ու կանոնը: Նրա որոշումները կյանքում կենսագործվեցին՝ ստանալով պարտադիր կանոնական նորմերի բնույթ: Նաև շնորհիվ քաղաքների ու նախարարների սատարման (Աշտիշատի ժողովի որոշումները թեև չեն մուծվել Հայոց կանոնագրերի մեջ, քայց իշխում են Փավստոսի, Մովսես Խորենացու /Ժողովի վայրը չի նշվում/ և այլուց կողմից):

Ներսես Մեծը, թագավորի և ավագանու կամակցությամբ, ջանում էր Հայաստանում արմատավորել Արևմուտքում կենսագործված եկեղեցական բարեկրթությունները⁶: Դա բեկադրված էր նաև Արշակ Բ-ի, նախարարների արևմտամետ կողմնորոշմամբ, որը համընկնում էր Հայոց եկեղեցու որդեգրած կրոնա-ֆաղա-ֆական ուղեգծին Լուսավորչի տան հովվապետների ավանդական դիրքորոշմանը:

Ներսես Մեծի բարեկարգությունները նշանավորեցին Հայաստանում ֆաղաֆակրթական նոր շրջափուլին անցնելը: Աշտիշատի ժողովը ոչ միայն հաղթելով միջ աշտիշատի Հայաստանում հրավիրվող աշխարհաժողովների ավանդույթները, այլև առաջադրեց և լուծեց երկրի հոգևոր և աշխարհիկ տերերի առջև ծառացած ներքին ֆաղաֆական և դավանական հրատապ խնդիրներ, որոնք կանխորոշելու էին Հայաստանի հետագա զարգացումը քրիստոնեական ֆաղաֆակրթության ուղիով: Այն որոշակի իրավանորմեր, միջոցառումներ մշակեց երկրի նախարարական, պետական համակարգի հիմքերն ամրապնդելու համար: Նախարարները, տուրք տալով հեթանոսաբարո կենսակերպին, սովորույթներին և իրենց տոհմական ժառանգությունը պահպանելու միտումին, ամուսնանում էին իրենց տոհմակիցների հետ: Աշտիշատի ժողովը արգելեց այդ սովորույթը⁷: Նախարարական համակարգի, պետության հիմքերն ամրապնդելուն էր նպաստակառնողված նաև ժողովի և անձամբ Ներսես Մեծի կողմից Հայոց թագավորին և նախարարներին եղած պատվիրանը՝ լինել գթառատ և բարյացակամ ստորադրյալների, «ծառանքի» հանդեպ, ծանր հարկապահանջությամբ չենդել նրանց, իսկ վերջիններիս երդորեց «կալ յարդարն հնազանդութեան իւրեանց տերանց»⁸:

Նմարավոր է, որ Աշտիշատի ժողովում վերահաստատվել է նախարարական գահակարգը, ինչը արձագանք է գտել Ներսես Մեծի վարքում, որտեղ նշվում է, որ Ներսեսը «նորոգե՛ր զգահս իշխանացն Հայոց»՝ թվով 400 բարձ⁹: Իհարկե, նախարարների բարձր թիվը այստեղ ուռնացված է: Արշակ Բ-ի օրոք ակամավոր նախարարական տոհմերի թիվը չէր անցնում երեսուցի¹⁰: Բայց վարչի հեղինակը կամեցել է այդպիսով շեշտել Ներսեսի վճռորոշ դերը երկրի պետական ոլորտներում: Որ Ներսեսը կարող էր վերահաստատել տալ նախարարական «բարձրը» արժունիքում, կասկածից վեր է, Հայոց Կաթողիկոսը նման իրավազորություն ուներ անգամ Պարսից արժունիքում (մարգապանական շրջանում): Բարձրի վերոնշյալ թիվը հավանաբար արդյունք է Դրվագոր Լուսավորչի ժամանակ իրեն թե հաստատված 400 եպիսկոպոսությունների մասին

⁶ N. Garsoïan, Nersés le Grand, Basile de Césarée et Eustate de Sébastie, "REA", 1983, p. 166.

⁷ Մովսես Խորենացի, III, Ի, էջ 280:

⁸ Փավստոս Բուզանդ, IV, Դ, էջ 64-65:

⁹ Առօրինակ հայկական, Զ, վեցերորդ, 1853, էջ 32:

¹⁰ Н. Адопц, Армения в эпоху Юстиниана, СПб, 1908, с. 248.

Ագաթանգեղոսի երկում հետագայում մուծված և պատմական հիմք չունեցող վերնուշի (նկատենք, որ Ագաթանգեղոսն այլ առիթով Հայաստանում հիշում է լուկ 12 եպիսկոպոսներին):

Աշտիշատի ժողովի ընդունած որոշումների շնորհիվ Հայոց նկեղեցու բարձր հեղինակությամբ սրբազործվեց Հայաստանի պետական-ֆաղափական համակարգը: Քրիստոնեության մարդասիրական վեհաշունչ գաղափարները հուշեցին նաև ժողովրդի բարոյական կատարելագործմանն ուղղված միջոցառումներ, որոնք պետք է վերափոխեին բնակչության հնօրյա բարքերն ու սովորույթները, առողջացնեին հասարակական հարաբերությունները: Մարդասիրական առումով կարևոր միջոցառում էր նաև տղատանոցների հիմնումը¹¹: Վերջիններս պետք է պատասպարեին աղատներին, օրքերին, որոնք այսպիսով հսկողության տակ կառնվեին՝ զերծ մնալով անկարգություններից, հակաօրինական արարքներից: Բանի որ Հայոց նկեղեցին օժտված էր նաև օրինաստեղծ և դատաստանական իշխանությամբ, ուստի Աշտիշատի ժողովի ընդունած կանոններում տեղ են գտել նաև ֆաղափական և քրեական իրավունքի նորմերը, որոնք կանոնակարգվեցին և ստացան պաշտոնական տեսք: Ժողովը շեշտը դրեց բնակչության միջից քրիստոնեական բարոյականությանն անհարիր սովորությունների՝ հարբեցողության, սեռական սանձադակության, թշամու հանդեպ վրիժառության, սպանությունների և հեթանոսաբարո վարձագծի (հանգուցյալների) վրա անպարկեշտ ողբակծումը, ամուսնական անհավատարմությունը, ազգականների հետ ամուսնությունը, մեռելոտի ուտելը և այլն՝ արմատախիլ անելու վրա: Ժողովրդի ֆաղափացիական համակեցության, քրիստոնեության մարդասիրական սկզբունքների հաստատման նպատակով Աշտիշատի ժողովը հատուկ ուշադրություն ցվիրեց նաև անբուժելի եիվանդների (բորոտների, ընկճավորների), հաշմանդամների նկատմամբ խնամատարության կազմակերպմանը: Մեկուսի վայրերում նրանց համար հիմնվեցին պատասպարաններ՝ աներաժեշտ հոգածությամբ, վերահսկողությամբ: Ուտար երկրներից և Հայաստանի տարբեր գավառներից ժամանածների համար հիմնվեցին հյուրատներ¹², որպեսզի պատասպարան չունենալու պատճառով նրանք չդիմեին վնասապարտ ֆայլերի, օրինազանցության¹³:

Աշտիշատի ժողովը առանձնահատուկ ուշադրություն դարձրեց նաև Հայոց նկեղեցու նվիրապետական, ծիսական հիմքերի ամրապնդման, կուսակրոնությանը զարկ տալու վրա: Մինչ այդ կուսակրոնները, միանձնուհիները առանձնացած չէին իրենց ընտանիքներից, ապրում էին նրանց հետ միևնույն բնակարանում, ֆաղաներում ու գյուղերում¹⁴, ինչն անհարիր էր անապատականի մզակեցիկ վարչին, քրիստոնեական կրոնի սկզբունքներից: Այդ սովորությամբ վերջ տալու նպատակով ժողովի որոշմամբ Հայաստանի տարբեր վայրերում հիմնվեցին մեծատաններ¹⁵, որոնց թիվը հասցվում է երկու հազարի¹⁶: Նկեղեցու կրթված մեծարժան սպասավորներ պատրաստելու, բնակչության հոգևոր դաստիարակության, ժողովրդի ընդերքում նկեղեցու հոգևոր արմատները

11 Փավստոս Բուզանդ, IV, Դ, էջ 83:

12 Նույն տեղում, IV, Դ, էջ 83-84:

13 Հմմտ. Ն. Մխիթ-Քանգյան, Հայոց նկեղեցական իրավունքը, Ա, Շուշի, 1903, էջ 317:

14 Սոփեթ հայկական, 2, էջ 39-40:

15 Մովսես Խորենացի, III, Ի, էջ 280:


16 Մ. Զամչյան, Պատմություն Հայոց: Ա, Վենետիկ, 1787, էջ 442:

ամրապնդելու նպատակով, ժողովը որոշեց Հայաստանի բոլոր գավառներում բացել դպրոցներ հունարեն և ասորերեն լեզուներով¹⁷: Այսպիսով, Աշտիշատի ժողովի որոշումները դարձան հետագայում՝ Մեսրոպ Մաշտոցի կողմից հայոց գլխի գլուտի շնորհիվ Հայաստանում ծավալված գրական-լուսավորչական շարժման յուրատեսակ նախընթացը: Հատկանշական է, որ Մովսես Խորենացին գրում է, թե Մեսրոպ Մաշտոցը «սնեալ և ուսեալ էր առ Մեծին Ներսիսի»¹⁸:

Անշուշտ, բարեգործական և կրթա-լուսավորչական եիմնարկների մամօրինակ ճյուղավորված լայն ցանցը կարող էր կենսունակ լինել և հարատևել Հայոց պետության հովանավորչական քաղաքականության պայմաններում: Ինչպես, ևստատում է Մովսես Խորենացին, բորոտանցների, աղաատանցների համար հատկացվեցին «գաւանս և գագարակս» և հասութաքեր այլ միջոցներ, որպեսզի հոգան նրանց կարիքները¹⁹: Բացի այդ, բարեգործական եիմնարկների, դպրոցների համար արժունի գանձարանից հատկացվեց պատկառելի գումար, քանի որ Աշտիշատի ժողովի որոշմամբ անցկացվող բարեփոխությունները դիտվում էին որպես համապետական գործ:

Ներսես Մեծը ջանում էր երկրում ոչ միայն խորն արմատավորել քրիստոնեության հոգևոր-բարոյական սկզբունքները, այլև ըստ կարելիության դրանց հաղորդել պետական կենսածնի որոշակի երանգներ, ուստի բարեփոխությունները համակեցին Հայոց թագավորության բոլոր ոլորտները՝ ընդգրկելով ևսարա-կության լայն խավերին, և, ինչպես գրում է պատմիչը, ուղղված էին անխտիր «առ ամենեւին, առ մեծամեծս և առ պատուականս և առ անարգս, առ հարուստս և առ աղատս, առ ազատս և առ շինականս»²⁰:

Այս բարեփոխությունները ցայտունորեն դրսևորեցին քրիստոնեական կրոնի համամարդկային էությունը, ժողովրդավարական ոգին, որի շնորհիվ հետագայում կյանքի կռչվեց հայոց լուսավորչական շարժումը՝ իր մեջ ներառելով ժողովրդական լայն զանգվածներին: Բարենորոգումները նաև Հայոց պետության և Նկեղեցու արձագանքն էին ժամանակի առաջադրած արմատական, կենսական պահանջմունքներին, նրանց համադաշն գործունեության արգասիքը: Դրանք պետք է նաև երկրում ստեղծվեին հոգևոր-քաղաքական ներդաշնակություն, կայունացեին հասարակական հարաբերությունները, խթանեին հոգևոր-մշակութային առաջընթացը՝ այն կապակցելով պետական-քաղաքական ոլորտներին:



¹⁷ Փավստոս Բուզանդ, IV, Դ, էջ 85:

¹⁸ Մովսես Խորենացի, III, Խէ, էջ 316:

¹⁹ Մովսես Խորենացի, III, Ի, էջ 278:

²⁰ Տե՛ս Փավստոս Բուզանդ, IV, Դ, էջ 87: